



薛氏二十四種

十四經發揮 上卷

中武
584
/



武
詩卷
584

重訂攷校經驗詳理

薛氏醫函按

十四經發揮	難經本義	本草發揮	平治會萃	內科摘要
明醫雜著	傷寒鈐法	外傷金鏡	原機啟微	保嬰撮要
小兒直訣	小兒痘疹	保嬰金鏡	婦人良方	女科撮要
外科發揮	外科心法	外科樞要	外科精要	癰疽驗方
外科	正體類要	口齒類要	癰瘍機要	東溪堂梓行

武

矣成周
興秦火之
於漢可



合刻薛氏醫案序

新安吳瑄撰

嘗攷西漢藝文志載醫家書凡為經脈方
書者十八家五百餘卷皆上古醫聖之所
論著金匱石室之所秘藏由來遠矣成周
設醫師掌醫之政斯其所職守歟秦火之
厄所不去者醫藥小筮諸書故至於漢可

新安醫案序

安

古史醫部
攷而志者如是唐初立醫學六典可稽宋
政和間詔令醫學諸生通習七書則黃帝
素問難經巢氏病源補注本草千金方王
氏脉經仲景傷寒論三部鍼灸經龍木論
千金翼方不過數種自漢較之所存僅僅
什一耳嗣是若東垣河間丹溪諸名家相
繼代作莫不各有論述簡冊具在學者猶

幸可據 明孝廟時乃有吳人薛己以醫
方仕至南北大醫院院判歷事 武肅三
朝號稱國手嘗好著書自圖經素難以下
禁局諸方藥論多所校正發明併以己嘗
治驗方案前後版行第其傳播未遠遺軼
頗多醫門之士恒竊慨焉頃余校書虎觀
偶得其書數種馳送諸名醫勘閱謂宜覆

梓以博其傳亦仁者用心之一因併購其
全書得若干種合爲一部離爲四科科以
類次凡爲經論內科者爲嬰兒科者爲婦
人科者爲外科者各若干種卷付之剞劂
易歲告成予竊私喜覆閱再三因輒序而
論之曰醫也者先王所以重民命拯殍
躋之仁壽幽贊於化育者也可易言哉蓋

以斯道隱遠玄奧難原自非聖質靈衷天
授神啓專攻世篤烏能特詣精良輒奏全
効乎故在上古則有岐伯俞跗固天縱之
矣至於中世則有扁鵲秦越人及漢太倉
令名最著顯然倉公以陽慶取精越人以
長桑知物有由然也雖云所授禁秘莫可
旣傳而列之圖經垂之竹帛犁然可睹後

世之書醫方脉案實自此始道與世俱逝
相祖述代有其人錄在史傳方志指可僂
數間若仲景之論傷寒東垣之發內傷河
間之表熱病丹溪之明雜症其於經論羽
翼爲多可謂具體者矣薛氏起當 明盛
久事禁中因得徧窺奧典通習諸科遂能
援經精義隨病卽功立一家言以明斯道

視於諸子其新安之集大成歟業是科者
誠能遡此尙論軒岐斯亦登泰山者之先
梁父乎雖然書不盡言言不盡意如必因
書以求言則有出於言表者不必盡於書
如必因言以求意則有出於意表者不必
盡於言雖薛氏有不能自知者余則烏能
知之在善學者能自得之耳善夫郭玉有

言曰醫之爲言意也毫芒之際可得而解
不可得而言於書於何有易曰神而明之
存乎其人此之謂也

十四經發揮凡例

- 一十二經所例次第並以流注之序爲之先後附以任督二奇者以其有專穴也總之爲十四經云
- 一注者所以釋經也其訓釋之義凡有三焉訓字一義也釋身體府藏名物一義也解經一義也其載穴法分寸則圈以別之
- 一各經既於本經詳注處所其有他經交會處但云見某經不必復贅
- 一經脈流注本經曰歷曰循曰至曰抵其交會者曰會曰過曰行其或經行之處既非本穴又非交會則不以字例統之
- 一奇經入脈雖不若十二經之有常道亦非若諸絡脈之微

眇也任督二脉之直行者既已列之十四經其陰陽維躄
衝帶六脈則別具編末以備參考

十四經發揮目錄

卷上

仰人尺寸之圖

伏人尺寸之圖

手足陰陽流注篇

卷中

手太陰肺經之圖

手太陰肺經穴歌

手陽明大腸經之圖

手陽明大腸經穴歌

足陽明胃經之圖

足陽明胃經穴歌

足太陰脾經之圖

足太陰脾經穴歌

足少陰心經之圖

足少陰心經穴歌

手太陽小腸經之圖

手太陽小腸經穴歌

足太陽膀胱經之圖

足太陽膀胱經穴歌

奇經八脈篇 目錄畢

足少陰腎經之圖 足少陰腎經穴歌

手厥陰心包經之圖 手厥陰心包經穴歌

手少陽三焦經之圖 手少陽三焦經穴歌

足少陽膽經之圖 足少陽膽經穴歌

足厥陰肝經之圖 足厥陰肝經穴歌

督脉經之圖 督脉經穴歌

任脉經之圖 任脉經穴歌

下卷

奇經八脈篇 目錄畢

新刻十四經絡發揮序

十四經絡發揮者發揮十四經絡也經絡在人身手三陰三陽足三陰三陽凡十有二而云十四者併任督二脉言也任督二脉何以併言任脉直行於腹督脉直行於背為腹背中行諸穴所系也手太陰肺經左右各十一穴足太陰脾經左右各二十七穴手陽明大腸經左右各二十穴足陽明胃經左右各四十五穴手少陰心經左右各九穴足少陰腎經左右各二十七穴手太陽小腸經左右各十九穴足太陽膀胱經左右各六十三穴手厥陰心包經左右各九穴足厥陰肝經左右各十三穴手少陽三焦經左右各四十六穴足少陽膽經左右各四十三穴兼以任脉中行二十四穴督脉中行二十八穴而人身周矣醫者明此可以鍼可以灸可以湯液投之所向無不取驗後世醫

奇經八脈篇

十四經發序

一

天也

道不明古先聖王救世之術多廢不講鍼灸湯液之法或岐或
二或參或三其又最下則鍼行者百一灸行者什二湯液行者
什九而千萬抑何多寡之相懸耶或者以鍼誤立効灸次之而
湯液猶可稍緩乎是故業彼者多業此者寡也噫果若是亦淺
矣哉其用心也夫醫之治病猶人之治水水行於天地猶血氣
行於人身也溝渠畝澮河泖川瀆皆其流注交際之處或壅焉
或塞焉或溢焉皆足以害治而成病苟不明其嚮道而欲治之
其不至於泛濫妄行者否也醫之治病一迎一隨一補一瀉一
汗一下一宣一導凡所以取其和平者亦若是耳而可置經絡
於不講乎滑伯仁氏有憂之故爲之圖爲之註爲之歌以發揮
之周悉詳盡曲暢旁通後之醫者可披卷而得焉伯仁氏之用
心亦深矣哉後伯仁氏而興者有薛良武氏焉良武氏潛心講

究其所自得亦已多矣乃復校正其書而刊諸梓欲以廣其傳
焉推是心也卽伯仁氏之心也良武名鎧爲吳之長洲人有子
曰已者今以醫判南京太醫事尤以外科名而外科者特其一
也君子謂其能振家業云

嘉靖戊子冬閏十月望日前進士姑蘇西閩盛應陽斯顯書于
金陵官舍

薛氏醫按目錄

新安吳瑭輯

白下朱廷樞校

內科

十四經發揮 三卷

本草發揮 四卷

內科摘要 二卷

傷寒鈐法 一卷

原機啓微 附錄一卷

幼科

保嬰撮要 二十卷

小兒痘疹 一卷

難經本義 二卷

平治會萃 三卷


明醫雜著 六卷

外傷金鏡 一卷

小兒直訣 四卷

保嬰金鏡 一卷

伏人尺寸之圖



十四經發揮卷上

許昌滑壽著

吳郡薛鎰校

新

安

吳玄有閱

手足陰陽流注篇

凡入兩手足各有三陰脉三陽脉以合為十二經也三陰謂太陰少陰厥陰三陽謂陽明太陽少陽也人兩手足各有三陰脉三陽脉相合為十二經也手三陰謂太陰肺經少陰心經厥陰心胞經手三陽謂陽明大腸經太陽小腸經少陽三焦經足三陰謂太陰脾經少陰腎經厥陰肝經足三陽謂陽明胃經太陽膀胱經少陽膽經謂之經者以血氣流行經常不息者而言謂之脉者以血理分表行體者而言也

手之三陰從臟走至手手之三陽從手走至頭足之三陽從頭

下走至足足之三陰從足上走至腹

手三陰從臟走至手謂手太陰起中焦至出大指之端手少陰起心中至出小指之端手厥陰起胸中至出中指之端手三陽從手走至頭謂手陽明起大指次指之端至上挾鼻孔手太陽起小指之端至目內眥手少陽起小指次指之端至目銳眥足三陽從頭走至足謂足陽明起於鼻至入中指內間足太陽起目內眥至小指外側端足少陽起目銳眥至入小指次指間足三陰從足走入腹謂足太陰起大指之端至屬脾絡胃足少陰起足心至屬腎絡膀胱足厥陰起大指聚毛至屬肝絡膽足三陰雖曰從足入腹然太陰乃復上膈挾咽散舌下少陰乃復從腎上挾舌本厥陰乃復上出額與督脈會于巔兼手太陰從肺絲橫出腋下手少陰從心絲上肺

出腋下手厥陰循胸出脇上抵腋下此又秦越人所謂諸陰脈皆至頸胸而還者也而厥陰則又上出於巔蓋厥陰陰之盡也所以然者示陰無可盡之理亦猶易之碩果不食示陽無可盡之義也然易之陰陽以氣言人身之陰陽以藏象言氣則無形而藏象有質氣陽而質陰也然則無形者貴乎陽有質者貴乎陰歟

絡脈傳注周流不息

絡脈者本經之旁支而別出以聯絡於十二經者也本經之脈由絡脈而交他經他經之交亦由是焉傳注周流無有停息也夫十二經之有絡脈猶江漢之有沱潛也經脈之傳注於他經猶沱潛之旁導於他水也是以手太陰之支者從腕後出次指端而交於手陽明手陽明之支者從缺盆上挾口

鼻而交於足陽明足陽明之支者別跗上出大指端而交於足太陰足太陰之支者從胃別上膈注心中而交於手少陰手少陰則直自本經少衝穴而交於手太陽不假支授蓋君者出令者也手太陽之支者別頰上至目內眥而交於足太陽足太陽之支者從臑內左右別下合膈中下至小指外側端而交於足少陰足少陰之支者從肺出注胸中而交於手厥陰手厥陰之支者從掌中循小指次指出其端而交於手少陽手少陽之支者從耳後出至目銳眥而交於足少陽足少陽之支者從跗上入大指爪甲出三毛而交於足厥陰足厥陰之支者從肝別貫膈上注肺而交於手太陰也故經脈者行血氣通陰陽以榮於身者也通結上文以起下文之義經脈之流行不息者所以運行血

氣流通陰陽以榮養於人身者也不言絡脈者舉經以該其治從中焦注手太陰陽明陽明注足陽明太陰太陰注手少陰太陽太陽注足太陽少陰少陰注手心生少陽少陽注足少陽厥陰厥陰復還注手太陰

始於中焦注手太陰終於注足厥陰是經脈之行一周身也其氣常以平旦爲紀句以漏水下百刻晝夜流行與天同度終而復始也

氣營氣紀統紀也承上文言經脈之行其始則自起中焦其氣則常以平旦爲紀也營氣常以平旦之寅時爲紀由中焦而始注手太陰以次流行也不言血者氣行則血行可知漏水下百刻晝夜流行與天同度者言一晝夜漏下百刻之內人身之經脈流行無有窮止與天同一運行也蓋天以三百


六十五度四分度之一為一周天而終一晝夜人之榮衛則以五十度周於身氣行一萬三千五百息脈行八百一十丈而終一晝夜適當明日之寅時而復會于手太陰是與天同度終而復始也或云晝夜漏刻有長短其營氣盈縮當何如然漏刻雖有短長之殊而五十度周身考均在其中不因漏刻而有盈縮也

右本篇正文與金蘭循經同

十四經發揮卷上

十四經發揮卷中
手太陰肺經之圖

十四經脈氣所發篇



手太陰肺經穴歌

手太陰十一穴中府雲門天府列俠白尺澤孔最存列缺經
渠太淵涉魚際少商如韭葉

手太陰肺之經 凡十一穴左右共二十
二穴○是經多氣少血

肺之為藏六葉兩耳四葉如蓋附着於脊之第三椎中有二
十四空行列分布諸藏清濁之氣為五藏華蓋云

手太陰之脉起於中焦下絡大腸還循胃口上膈屬肺

起發也絡繞也還復也循巡也又依也沿也屬會也中焦者
在胃中脘當臍上四寸之分大腸註見本經胃口胃上下口
也胃上口在臍上五寸上腕穴下口在臍上二寸下腕穴之
分也膈者隔也凡人心下有膈膜與脊脇周回相着所以遮
隔濁氣不使上薰於心肺也手太陰起於中焦受足厥陰之

交也由是循任脉之外足少陰經脉之裏以次下行當臍上
一寸水分穴之分繞絡大腸手太陰陽明相為表裏也乃復
行本經之外上循胃口迤邐上膈而屬會于肺榮氣有所歸
於本藏也

從肺絲橫出腋腋下循膈內行少陰心主之前下肘中

肺絲謂喉嚨也喉以候氣下接於肺肩下脇上際曰腋膊下
對腋處為膈肩肘之間也膈盡處為肘臂節也自肺藏循肺
絲出而橫行循胸部第四行之中府雲門以出腋腋下循膈
內歷天府俠白行手少陰手心主之前下入肘中抵尺澤穴
也蓋手少陰循膈臂出小指之端手心主循膈臂出中指之
端手太陰則行乎二經之前也○中府穴在雲門下一寸乳
上二肋間動脉應手陷中雲門在巨骨下俠氣戶傍二寸陷


中動脈應手舉臂取之天府在腋下三寸臑內廉動脈中俠白在天府下去肘五寸動脈中尺澤在肘中約文上動脈中循臂內上骨下廉入寸口上魚句循魚際出大指之端

肘以下為臂廉隅也邊也手掌後高骨傷動脈為關關前動脈為寸口曰魚曰魚際云者謂掌骨之前大指本節之後其肥肉隆起處統謂之魚魚際則其間之穴名也既下肘中乃循臂內上骨之下廉歷孔最列缺入寸口之經渠太淵以上魚循魚際出大指之端至少商穴而終也端杪也○孔最穴去腕上七寸列缺去腕側上一寸五分以手交叉頭指當作食指永筋骨罅中絡穴也經渠在寸口陷中太淵在掌後陷中魚際在大指本節後內側散脈中少商在大指端內側去爪甲如韭葉白肉內宛宛中

其支者從腕後直出次指內廉出其端

臂骨盡處為腕脈之大隧為經交經者為絡本經終於出大指之端矣此則從腕後列缺穴達次指內廉出其端而交於手陽明也是動則病肺脹滿膨膨而喘咳缺盆中痛甚則交兩手而脊此為臂厥是主肺所生病者咳嗽上氣喘喝煩心胸滿臑臂內前廉痛掌中熱氣盛有餘則肩背痛風寒寒字疑衍汗出中風小便數而欠虛則背肩痛寒少氣不足以息溺色黃變卒遺失無度盛者寸口大三倍於人迎虛者寸口反小於迎也

手陽明大腸經之圖



手陽明大腸經穴歌

手陽明起商陽二間三間合谷藏陽谿偏歷溫溜下廉上廉三里長曲池肘髃迎五里臂臑肩髃目骨當天鼎扶突禾髃接終以迎香二十穴

手陽明大腸之經。凡二十穴左右共四

十穴。是經氣血俱多

大腸長二丈一尺廣四寸當臍右回十六曲

手陽明之脈起於大指次指之端循指上廉出合谷兩骨之間上入兩筋之中

大指次指大指之次指謂食指也手陽明大腸經也凡經脈之道陰脈行手足之裏陽脈行手足之表此經起於大指次指之端商陽穴受手太陰之交行於陽之分也由是循指之上廉歷二間三間以出合谷兩骨之間復上入陽谿兩筋之

中○商陽在手大指次指內側去爪甲角如韭葉二間在禾大指次指本節前內側陷中三間在手大指次指本節後內側陷中合谷在手大指次指岐骨間陷中陽谿在腕中上側兩筋陷中

循臂上廉入肘外廉循臑外前廉上肩

自陽谿而上循臂上廉之偏歷溫溜下廉上廉三里入肘外廉之曲池循臑外前廉歷肘髃五里臂臑絡臑會上肩至肩髃穴也○偏歷在腕中後三寸溫溜在腕後小士六寸大士五寸下廉在輔骨下去上廉一寸上廉在三里下一寸三里在曲池下二寸按之肉起曲池在肘外輔骨屈肘曲骨之中以手拱胸取之肘膠在肘大骨外廉陷中五里在肘上三寸行向裏大脈中臂臑在肘上七寸臑會見手少陽經手陽明

之絡也肩髃在肩端而骨間陷者宛宛中舉臂有空
出髃骨之前廉上出柱骨之會上

肩端兩骨間為髃骨肩脾上際會處為天柱骨出髃骨前廉
循巨骨穴上出柱骨之會上會於大椎○巨骨穴在肩端上
行兩又骨間陷中大椎見督脉手之三陽督脉之會
下八缺盆絡肺下膈屬太陽

自大椎而下入缺盆循足陽明經肺外絡繞肺藏復下膈當
天樞之分會屬於大腸也○缺盆天樞見足陽明經
其支別者從缺盆上頸貫頰下齒縫中


頭莖為頸耳以下曲處為頰口前小者為齒其支別者自缺
盆上行於頸循天鼎扶突上貫於頰入下齒縫中○天鼎在
頸缺盆直扶突後一寸扶突在氣舍後一寸五分仰而取之

又云在人迎後一寸五分

還出挾口交人中左之右右之左上挾鼻孔

口唇上鼻柱下為人中既入齒縫復出夾兩口吻相交於人
中之分左脉之右右脉之左上挾鼻孔循禾膠迎香而終以
交於足陽明也○人中穴見督脉為手陽明督脉之會和膠
在鼻孔下挾水溝旁五分迎香在和膠上一寸鼻孔旁五分
是動則病齒痛頰腫是主津液所生病者目黃口乾熱衄
喉痺肩前臄痛大指次指痛不用氣有餘則當脉所過者
熱腫虛則寒凜不復盛者人迎大三倍於寸口虛者人迎
反小於寸口也

足陽明胃經之圖



薛氏醫按

十四經發源卷中

薛氏醫按

十四經發源卷中

九

五

足陽明胃經穴歌

沖字一不
作衝
一本作平下及
字上有與字

四十五穴足陽明承泣四白巨膠經地倉大迎頰車時下關
頭維人迎對水突氣舍連缺盆氣戶庫房屋翳屯膺窓乳中
延乳根不容承滿梁門起關門太乙滑肉門 天樞外陵大
巨存水道歸來氣冲次髀關伏兔走陰市梁丘犢鼻足三里
土巨虛連條口值下巨虛反豐隆解谿冲陽陷谷中內庭厲兌經穴終
足陽明胃之經凡四十五穴左若共九
胃大一尺五寸紆曲屈伸長二尺六寸
陽明之脉起於鼻交額中旁約太陽之脉下循鼻外入上齒
中還出挾口環唇下交承漿
額鼻莖也鼻山根為額足陽明起於鼻兩旁迎香穴出是而
上左右相交於額中過睛明之分下循鼻外歷承泣四白巨

膠入上齒中復出循地倉挾兩口吻環繞唇下左右相交於
承漿之分也○迎香手陽明經穴睛明足太陽經穴手足太
陽少陽足陽明五脉之會承泣在目下七分直瞳子四白在
目下一寸直瞳子巨膠在鼻孔旁八分直瞳子地倉挾口吻
旁四分承漿見任脉足陽明任脉之會

郤循頤後下廉出大迎循頰車上耳前過客主人循髮際至額
顙腮

下為額額中為頤頤前為髮際髮際前為額顙白承漿郤循
頤後下廉出大迎循頰車上耳前歷下關過客主人循髮際
行懸釐頤厭之分經頭維會於額顙之神庭○大迎在曲頤
前一寸三分骨陷中動脉頰車在耳下曲頤端陷中下關在
客主人下耳前動脉下廉合中有空開口則閉客主人懸釐

領厭三穴並足少陽經皆手足少陽陽明之交會頭維在額角髮際本神旁一寸五分神庭旁四寸五分神庭穴見督脉足太陽陽明督脉之會

其支別者從大迎前下人迎循喉嚨入缺盆下膈屬胃絡脾胸兩旁高處爲膺膺上橫骨爲巨骨巨骨上陷中爲缺盆其支別者從大迎前下人迎循喉嚨歷水突氣舍入缺盆行足少陰俞府之外下膈當上腕中腕之分屬胃絡脾○人迎在頸大脉動應手挾結喉旁一寸五分水突在頸大筋前直人迎下氣舍上氣舍在頸直人迎下挾天突陷中缺盆在肩下橫骨陷中俞府見足少陰經上腕見任脉是陽明手太陽任脉之會中腕見任脉手太陽少陽足陽明所生任脉之會其直行者從缺盆入乳內廉下挾臍入氣衝中

直行者從缺盆而下乳內廉循氣戶庫房屋翳膺窓乳中乳根不容承滿梁門關門太乙滑肉門下挾臍歷天樞外陵大巨水道歸來諸穴而入氣衝中也○氣戶在巨骨下俞府旁二寸陷中庫房在氣戶下一寸六分陷中仰而取之屋翳在庫房下一寸六分陷中仰而取之膺窓在屋翳下一寸六分陷中乳中穴當乳是乳根穴在乳下一寸六分陷中仰而取之不容在幽門旁相去各一寸五分承滿在不容下一寸梁門在承滿下一寸關門在梁門下一寸太乙在關門下一寸滑肉門在太乙下一寸下挾臍天樞在挾臍二寸外陵在天樞下一寸大巨在外陵下一寸水道在大巨下三寸歸來在水道下二寸氣衝一名氣街在歸來下鼠蹊上一寸動脉應手宛宛中自氣戶至乳根各四寸自不容至滑肉門各

三寸自天樞至歸來去中行各二寸

其支者起胃下口循腹裏下至氣衝中而合

胃下口下腕之分難經下太倉下口為幽門者是也自屬胃處起胃下口循腹裏過足少陰育俞之外本經之裏下至氣衝中與前之入氣衝者合

以下髀關抵伏兔下入膝臏中下循胫外廉下足跗入中指間抵至也股外為髀髀前膝上起肉處為伏兔伏兔後交文為髀關挾膝解中為臏脛骨為胫跗足面也既相合氣衝中乃下髀關抵伏兔歷陰市梁丘下入膝臏中經犢鼻下循胫外廉之三里巨虛上廉條口巨虛下廉豐隆解谿下足跗之衝陽陷谷入中指外間之內庭至厲兌而終也○髀關在膝上伏兔後交文中一作伏兔在膝上六寸起肉正跪坐而取之

一云膝蓋上七寸陰市在膝上三寸伏兔下陷中拜而取之梁丘在膝上二寸兩筋間犢鼻在膝臏下胫骨上骨解大筋中三里在膝眼下三寸胫骨外大筋內宛宛中舉足取之極重按之則跗上動脈止矣巨虛上廉在三里下三寸舉足取之條口在下廉上一寸舉足取之巨虛下廉在上廉下三寸舉足取之豐隆在外踝上八寸下胫外廉陷中別走太陰解谿在衝陽後一寸五分腕上陷中衝陽在足跗上五寸骨間動脈去陷谷三寸陷谷在足大指次指間本節後陷中內庭在足大指次指外間陷中厲兌在足大指次指去爪甲如葉其支者下膝三寸而別以下入中指外間此支自膝下三寸循三里穴之外別行而下入中指外間與前之內庭厲兌合也


其支者別跗上入大指間出其端

此支自跗上衝陽穴別行入大指間斜出足厥陰行間穴之

外循大指下出其端以交於足太陰

是動則病漉漉然振寒善伸數欠顏黑病至則惡人與火
聞木音則惕然而驚心欲動獸閉戶牖而處甚則欲上高
而歌棄衣而走賁嚮腹脹是為肝厥是主血所生病者狂
瘧溫淫汗出鼽衄口喎唇胗頸腫喉痺大腹水腫膝膺腫
痛循膺乳氣街股伏兔髀外廉足跗上皆痛中指不用氣
盛則身以前皆熱其有餘於胃則消穀善飢溺色黃氣不
足則身以前皆寒慄胃中寒則脹滿盛者人迎大三倍於
寸口虛者人迎反小於寸口也

足太陰脾經之圖



辛酉 卷之十四 經絡 脾經

足大陰脾經穴歌

二十一穴太陰脾隱白大都太白隨公孫商丘三陰交漏谷地機陰陵均血海箕門冲門開府舍腹結大橫排腹哀食竇連天谿胸鄉周榮大包隨

足太陰脾之經

凡二十一穴左右共四二穴○是經多氣少血

脾廣三寸長五寸掩平太倉附着於脊之第十一椎

足太陰之脉起于大指之端循指內側白肉際過覈骨後上內踝前廉

覈骨一作核骨俗云孤拐骨是也足跟後兩旁起骨為踝骨足太陰起大指之端隱白穴受足陽明之交也由是循穴過內側白肉際大都穴過核骨後歷太白公孫商丘上內踝前廉之三陰交也○隱白在足大指內側端去爪甲角如韭菜

大都在足大指本節後陷中太白在足內側核骨下陷中孫在足大指本節後一寸別走陽明商丘在足內踝下微前陷中三陰交在內踝上三寸骨下陷中

上端內循胛骨後交出厥陰之前

膈腓腸也由三陰交上膈內循胛骨後之漏谷上行二寸交出足厥陰經之前至地機陰陵泉○漏谷在內踝上六寸骨下陷中地機在膝下五寸陰陵泉在膝下內側輔骨下陷中伸足取之

上循膝股內前廉入腹屬脾絡胃


髀內為股臍上下為腹自陰陵泉上循膝股內前廉之血海箕門適遷入腹經衝門府舍會中極關元復循腹結大橫會下腕歷腹哀過日月期門之分循本經之裏下至中腕下腕

之際以屬脾絡胃也○血海在膝臏上內廉白肉際二寸中
箕門在魚腹上越筋間陰股內動脈中衝門上去大橫五寸
在府舍下橫骨端約中動脈府舍在腹結下三寸中極關元
並見任脈皆足三陰任脈之會腹結在大橫下一寸三分大
橫在腹哀下三寸五分直臍旁下腕見任脈足太陰任脈之
會腹哀在日月下一寸五分日月見足少陽經足太陰少陽
陽維之會期門見足厥陰經足太陰厥陰陰維之會也衝門
府舍腹結大橫腹哀去腹中行各四寸半
上膈挾咽連舌本散舌下

咽所以嚥物者居喉之前至胃長一尺六寸為胃絲也舌本
舌根也由腹哀上膈循食竇天谿胸鄉周榮由周榮外曲折
向不至大包又自大包外曲折向上會中府上行行人迎之
裏挾咽連舌本散舌下而終焉○食竇在天谿下一寸六分
舉臂取之天谿在胸鄉下一寸六分仰而取之胸鄉在周榮
穴下一寸六分陷中仰而取之周榮在中府下一寸六分陷
中仰而取之大包在淵腋下三寸淵腋見足少陽中府見手太陰經
足太陰之會也人迎見足陽明經
其支別者復從胃別上膈注心中

此支由腹哀別行再從胃部中腕穴之外上膈注於膻中之
裏心之分以交於手少陰○中腕膻中並任脈穴
是動則病舌本強食則嘔胃腕痛腹脹善噫得後與氣則
快然如哀身體皆重是主脾所生病者舌本痛體不能動
搖食不下煩心心下急痛寒瘡溇瀉水閉黃疸不能臥
強立股膝內癰厥足大指不用盛者寸口大三倍於人迎

手少陰心經之圖



虛者寸口反小於人迎也

上經心經... 一... 二... 三... 四... 五... 六... 七... 八... 九... 十... 十一... 十二... 十三... 十四... 十五... 十六... 十七... 十八... 十九... 二十...

手少陰心經... 一... 二... 三... 四... 五... 六... 七... 八... 九... 十... 十一... 十二... 十三... 十四... 十五... 十六... 十七... 十八... 十九... 二十...

手少陰心經穴歌

九穴手少陰極泉青靈少海深靈道通里陰郄寤神門少府
少冲尋

手少陰心之經 七九穴左右共十八穴。○是經多氣少血。

心形如未敷蓮花居肺下膈上附著於脊之第五椎

手少陰之脉起於心中出屬心絲下膈絡小腸

心絲有二一則上與肺相通而入肺兩大葉間一則由肺葉

而下曲折向後並脊脊細絡相連貫脊髓與腎相通正當七

節之間蓋五藏絲皆通於心而心通五藏絲也手少陰經起

於心循任脉之外屬心絲下膈當臍上二寸之分絡小腸

其支者從心絲上挾咽絲目

支者從心絲出任脉之外上行而挾咽絲目也

其直者復從心絲却上肺出腋下

直者復從心絲直上至肺藏之分出循腋下抵極泉也穴在

臂內腋下筋間動脉入胸

下循臑內後廉行太陰心主之後下肘內廉

自極泉下循臑內後廉行太陰心主兩經之後歷青靈穴下

肘內廉抵少海○青靈在肘上三寸舉臂取之少海在肘內

大骨外去肘端五分

循臂內後廉抵掌後兌骨之端入掌內廉循小指之內出其端

腕下踝為兌骨自少海而下循臂內後廉歷靈道通里至掌


後兌骨之端經陰郄神門入掌內廉至少府循小指端之少

衝而終以交於手太陽也心為君主之官示尊於他藏故其

交經授受不假於支別云○靈道在掌後一寸五分通里在

腕後一寸陷中陰郄在掌後脉中去腕五分神門在掌後兌
骨之端治者中少府在手小指本節後陷中直勞宮少衝在
手小指內廉端去爪甲如韭葉
是動則病隘心心痛渴而欲飲是為厥臂是主心所生病
者目黃脇痛臍臂內後廉痛厥掌中熱痛盛者寸口大再
倍於人迎虛者寸口反小於人迎也

手太陽小腸經之圖



辛九經書按 十四經各指者中

手太陽小腸經穴歌

手太陽穴一十九少澤前谷得谿偶腕骨陽谷可養老支正
小海肩貞走臑俞天宗及秉風曲垣肩外復肩中天窓天容
上顙膠却入耳中循聽宮

手太陽小腸之經

凡十九穴左右共三十一穴。是經多血多氣。

小腸長三丈二尺左回疊積十六曲胃之下口小腸上口也
在臍上二寸水穀於是入焉復下一寸為水分穴則小腸下
口也至是而泌別清濁水液入膀胱滓穢入大腸

手太陽之脈起於小指之端循手外側上腕出踝中臂骨盡處
為腕腕下兌骨為踝本經起小指端少澤穴由是循手外側
之前谷後谿上腕出踝中歷腕骨陽谷養老穴也。少澤在
手小指外側端去爪甲角一分陷中前谷在手小指外側本

節前陷中後谿在手小指外側本節後陷中腕骨在手外側
腕前起骨下陷中陽谷在手外側腕中兌骨下陷中養老在
手踝骨上一空在腕後一寸陷中

直上循臂骨下廉出肩解繞肩脾交肩上

脊兩旁為膂膂上兩角為肩解肩解下成片骨為肩脾一名

白養老穴直上循臂骨下廉支正穴出肘內側兩骨之間歷

小海穴上循臑外後廉行手陽明少陽之外上肩循肩貞臑

俞天宗秉風曲垣肩外俞肩中俞諸穴乃上會大椎因左右

相交於兩肩之上。支正在腕後五寸小海在肘內大骨外

去肘端五分陷中肩貞在肩曲胛下兩骨解間肩髃後陷中

臑俞在挾肩膠手少陽穴後大骨下胛上廉陷中天宗在秉風後

大骨下陷中秉風在天膠外肩小髃後舉臂有空曲垣在

肩中央曲胛陷中按之應手痛肩外俞在肩胛上廉去脊三寸陷中肩中俞在肩胛內廉去脊二寸陷中大椎見格脉手足三陽督脉之會

入缺盆絡心循咽下膈抵胃屬小腸

自交肩上入缺盆循肩向腋下行當臑中之分絡心循胃絲下膈過上腕中腕抵胃下行任脉之外當臑上二寸之分屬小腸臑中上腕中腕並見任脉會穴也

其支者別從缺盆循頸上頰至目銳眦却入耳中

目外角爲銳眦支者別從缺盆循頸之天窓天窓上頰抵顴膠上至目銳眦過瞳子膠却入耳中循聽宮而終也○天窓在頸大筋前曲頰下扶突後動脉應手陷中天窓在耳曲頰後顴膠在面頰骨下廉兌骨端陷中瞳子膠足少陽經穴聽


宮在耳中珠子大如赤小豆

其支者別頰上頰抵鼻至目內眦

目下爲頰目大角爲內眦其支者別循頰上頰抵鼻至目內眦睛明穴以交於是太陽也睛明足太陽經穴

是動則病噎痛頰腫不可回顧肩似拔臑似折是生液所生病者耳聾目黃頰腫頰頰肩臑肘臂外後廉痛盛者人迎大再倍於寸口虛者人迎反小於寸口也

足太陽膀胱經之圖



辛酉會安

十四經發源圖

三

三

足太陽膀胱經穴歌

足太陽六十三睛明攢竹曲差參五處承光上通天絡却玉
枕天柱巔大杼風門引肺俞厥陰心俞膈俞注肝俞膽俞脾
俞同胃俞三焦腎俞中大腸小腸膀胱俞中膈白環兩俞輸
自從大杼至白環相去脊中三寸間上膠次膠中復下會陽
承扶殷門亞浮郄委陽委申鐘髀內挾脊附分當太陽行背
第三行魄戶膏肓與神堂譙噤鬲關竟門旁陽綱意舍仍胃
倉育門志室胞之育二十椎下秩邊藏合膈以下合陽是承
筋承山居其次飛陽付陽涓崑崙僕參申脉連金門京骨束
骨又通谷小指外側至陰續

足太陽膀胱之經凡六十三穴左右共一百二十六穴是經多血少氣

膀胱動九兩二銖縱廣九寸居腎下之前大腸之側當臍上

一寸水分穴之處小腸下口乃膀胱上際也水液由是滲
足太陽之脉起於目內眥上額交巔上

目大角為內眥髮際前為額腦上為巔巔頂也足太陽起目
內眥睛明穴上額循攢竹過神庭歷曲差五處承光通天自
通天斜行左右相交於巔上之百會也○睛明在目內眥攢
竹在眉頭陷中神庭見督脉足太陽督脉之會也曲差在神
庭傍一寸五分入髮際五處挾上星傍一寸五分承光在五
處後一寸五分通天在承光後一寸五分百會見督脉足太
陽督脉之交會也

其支別者從巔至耳上角

支別者從巔之百會抵耳上角過率谷浮白竅陰穴所以散
養於經脉也率谷浮白竅陰三穴見足少陽經足太陽少陽

之會也

其直行者從巔入絡腦還出別下項

腦頭髓也頸上為腦腦後為項此直行者由通天穴後循絡却玉枕入絡腦復出下項抵天柱也○絡却在通天後一寸五分玉枕在絡却後一寸五分挾腦戶傍一寸三分枕骨上入髮際三寸腦戶督脉穴足大陽督脉之會天柱在頸大筋外廉挾項髮際陷中

循肩髃內挾脊抵腰中入循督絡腎屬膀胱

肩後之下為肩髃椎骨為脊尻上髃官為腰挾脊為脊自天柱而下過大椎陶道却循肩髃內挾脊兩旁下行歷大杼風門肺俞厥陰俞心俞膈俞肝俞膽俞脾俞胃俞三焦俞腎俞大腸俞小腸俞膀胱俞中膂內俞白環俞由是抵腰中入循

脊絡腎下屬膀胱也○大椎見督脉手足三陽督脉之會陶道見督脉足太陽督脉之會大杼在項後第一椎下風門在第二椎下肺俞在第三椎下厥陰俞在第四椎下心俞在第五椎下膈俞在第七椎下肝俞在第九椎下膽俞在第十椎下正坐取之脾俞在第十一椎下胃俞在第十二椎下三焦俞在第十三椎下腎俞在第十四椎下與臍平大腸俞在第十六椎下小腸俞在第十八椎下膀胱俞在第十九椎下中膂內俞在第二十椎下挾脊起肉白環俞在第二十一椎下伏而取之自大杼至白環俞諸穴並背部第二行相去脊中各一寸五分

其支別者從腰中不貫脊入膂中

脊尻也挾腰臑骨兩旁為機機後為脊腓腸上膝後曲處為

幸氏醫按

臑其支別者從腰中循腰髀下挾脊歷上髀次髀中髀下髀
按腰髀即腰監骨人脊椎骨有二十一節自十六椎節而下
為腰監骨俠脊附着之處其十七至二十一凡四椎為腰監骨
所揜附而下窈穴則俠脊第一二空云云也會陽在尾髀骨
兩旁則廿一椎乃復見而終焉又按督脈當脊中起於長強
在廿一椎下等而上之至第十六椎下為陽關穴其會陽下
二十椎至十七椎皆無穴乃知為腰監骨所揜明矣會陽下
貫髀至承扶殷門浮却委陽入臑中之委中穴也○上髀在
第一空腰髀下一寸挾脊陷中次髀在第二空挾脊陷中中
髀在第三空挾脊陷中下髀在第四空挾脊陷中會陽在尾
髀骨兩旁承扶在尻髀下股陰上紋中殷門在肉却下六寸
浮却在委陽上一寸展膝得之委陽在承扶下六寸屈身取
之足太陽之後出於臑中外廉兩筋間委中在臑中央約交
中動脈

其支別者從臑內左右別下貫胛挾脊內過髀樞

膂內曰腠夾脊肉也其支者為挾脊兩旁第三行相去各三
寸之諸穴自天柱而下從臑內左右別行下貫胛膂歷附分
魄戶膏肓神堂譙譙膈關魄門陽綱意舍胃倉脊門志室胞
肓秩邊下歷尻髀過髀樞也股外為髀捷骨之下為髀樞○
附分在第二椎下附項內廉魄戶在第三椎下膏肓在第四
椎下近五椎上取穴時令人正坐曲脊伸兩手以臂著膝前
令端直手大指與膝頭齊以物支肘毋令臂動搖神堂在第十
五椎下譙譙在肩髀內廉挾第六椎下膈關在第七椎下正
坐潤肩取之塊門在第九椎下陽綱在第十椎下意舍在第十
十一椎下胃倉在第十二椎下脊門在第十三椎下又肋間
志室在第十四椎下並正坐而取之胞肓在第十九椎下秩
邊在第二十椎下並伏而取之


循髀外後廉下合臑中以下貫臑內出外踝之後循京骨至小指側端

臑腓腸也循髀外後廉髀樞之裏承扶之外一寸五分之間而下與前之入臑中者相合下行循合陽穴下貫臑內歷承筋承山飛陽跗陽出外踝後之崑崙僕參申脉金門循京骨束骨通谷至小指外側端之至陰穴以交於足少陰也○合陽在膝約文中央下三寸承筋在臑腸中央陷中承山在兌臑腸下分肉間飛陽在外踝上七寸跗陽在外踝上三寸崑崙在足外後跟骨上陷中僕參在跟骨下陷中拱足得之申脉在外踝下陷中容爪甲白肉際金門在足外踝下京骨在足外側大骨下赤白肉際陷中束骨在足小指外側本節後陷中通谷在足小指外側本節前陷中至陰在足小指外側

去爪甲角如韭葉

是病則病衝頭痛目似脫項似拔脊痛腰似折髀不可以曲臑如結臑如裂是爲踝厥是主筋所生病者痔瘡狂顛疾頭顛頂痛目黃淚出熱衄項背腰尻臑臑脚皆痛小指不用盛者人迎大再倍於寸口虛者人迎反小於寸口也

足少陰腎經之圖



卷之四
經脈圖
中
三

足少陰腎經
一
四
三

足少陰腎經穴歌

足少陰二十七涌泉然谷太谿溢太鍾照海通水泉復溜交
信築賓連陰谷橫骨大赫赫氣穴四滿中注立育踰商曲石
關蹲陰都通谷幽門僻步廊神封靈墟位神藏或中踰府既

足少陰腎之經凡二十七穴左右共五十

腎有兩枚狀如石卵色黑紫當腎下兩旁入脊脊附脊之第
十四椎前後與臍平直

足少陰之脉起於小指之下斜趣足心

趣向也足少陰起於小指之下斜向足心之湧泉穴在足心
陷中屈足捲指宛宛中

出然谷之下循內踝之後別入跟中上膈內出膈內廉

跟足跟也由湧泉轉出足內踝然谷穴下循內踝後太谿穴

別入跟中之太鍾照海水泉乃折自太鍾之外上循內踝行
厥陰太陰之後經復溜交信過三陰交上膈內循築賓出膈
內廉抵陰谷也○然谷在足內踝前大骨下陷中太谿在足
內踝後跟骨上動脉陷中太鍾在足跟後衝中照海在足內
踝下水泉在太谿下一寸內踝下復溜在足內踝上二寸動
脉陷中交信在足內踝上二寸少陰前太陰後三陰交穴見
足太陰足三陰之交會也築賓在足內踝上膈分中陰谷在
膝內輔骨後大筋下小筋上按之應手屈膝乃得之

上股內後廉貫脊屬腎絡膀胱

由陰谷上股內後廉貫脊會於脊之長強穴還出於前循橫
骨大赫氣穴四滿中注育俞當俞之所臍之左右屬腎下
臍上過關元中極而絡膀胱也○長強見督脉足少陰少陽

所結會督脉別絡也橫骨在大赫下一寸盲俞下五寸千金云在

陰上橫骨中宛曲如却月中央是 大赫在氣穴下一寸氣穴在四滿下一寸

四滿在中注下一寸氣海旁一寸中注在盲俞下一寸盲俞

在商曲下一寸去臍旁五分自橫骨至盲俞攷之資生經云

中行各一寸半關元中極並任脉穴足三陰任脉之會

其直者從腎上貫肝膈入肺中循喉嚨挾舌本

其直行者從盲俞屬腎處上行循商曲石關陰都通谷諸穴

貫肝上循幽門上膈歷步廊入肺中循神封靈墟神藏或中

俞府而上循喉嚨並人迎挾舌本而終也○商曲在石關下

一寸石關在陰都下一寸陰都在通谷下一寸通谷在幽門

下一寸幽門挾巨關旁各五分商曲至通谷去腹中行各五

分步廊在神封下一寸六分陷中神封在靈墟下一寸六分

陷中靈墟在神藏下一寸六分陷中神藏在或中下一寸六

分陷中或中在俞府下一寸六分陷中俞府在巨骨下璇璣

傍二寸陷中自步廊至或中去胸中行各六寸並仰而取之

人迎穴見足陽明經

其支者從肺出絡心注胸中

兩乳間為胸中支者自神藏別出遶心注胸之膻中以交於

手厥陰也

是病則動飢不欲食面黑如地色欬唾則有血喝喝而喘


坐而欲起目眈眈如無所見心如懸病飢狀氣不足則善

恐心惕惕如人將捕之是謂骨厥是主腎所生病者口熱

舌乾咽腫上氣嗌乾及痛煩心心痛黃疸腸癖脊臀股內

後廉痛痿厥嗜卧足心熱而痛盛者寸口大再倍於人迎

手厥陰心包經之圖



虛者寸口反小於人迎也

手厥陰心包經穴歌

九穴手厥陰天池天泉曲澤深郄門間使內關對太陵勞宮
中衝脩

手厥陰心包之經凡九穴左右共十八穴

心包一名手心主以藏象按之在心下橫膜之上豎膜之下
與橫膜相粘而黃脂漫裹者心也其漫脂之外有細助膜如
絲與心肺相連者心包也或問手厥陰經曰心主又曰心包
絡何也曰君火以名相火以位手厥陰代君火行事以用而
言故曰手心主以經而言則曰心包絡一經而二名實相火
也

手厥陰之脈起於胸中出屬心包下膈歷絡三焦

手厥陰受足少陰之支起於胸中出屬心包由是下膈歷絡

於三焦之上腕中腕及臍下一寸下焦之分也

其支者循胸出脇下腋三寸上抵腋下下循臑內行太陰少陰
之間入肘中

脇上際為腋自屬心包上循胸出脇下腋三寸天池穴上行
抵腋下下循臑內之天泉穴以介乎太陰少陰兩經之中間
入肘中之曲澤也○天泉在腋下三寸乳後一寸着脇直腋
腋助間天泉在曲腋下二寸舉臂取之曲澤在肘內廉
下陷中屈肘得之

下臂行兩筋之門入掌中循中指其端

由肘中下臂行臂兩筋之間循郄門間使內關太陵入掌中
勞宮穴循中指出其端之中衝云○郄門在掌後去腕五寸
間使在掌後三寸兩筋間陷中內關在掌後去腕二寸太陵

手少陽三焦經穴歌

二十三穴手少陽關冲液門中渚旁陽池外關支溝會會宗
三陽四瀆配天井合清冷淵消灤臑會肩髃偏天髃天牖同
翳風瘰脈顙息角孫通耳門和膠絲竹空

手少陽三焦之經

凡二十三穴左右共四十二穴。是經多氣少血。

三焦者水穀之道路氣之所終始也上焦在心下下膈在胃
上口其治在臆中直兩乳間陷者中中焦在胃中脘當臆上
上四寸不上不下其治在臆旁下焦當膀胱上口其治在臆
下一寸

手少陽之脈起於小指次指之端上出次指之間循手表腕出
臂外兩骨之間上貫肘

臂骨盡處為腕臑盡處為肘手少陽起小指次指指端關衝穴

抄本
無此字

上出次指之間歷液門中渚循手表腕之陽池出臂外兩骨
之間循外關支溝會宗三陽絡四瀆乃上貫肘抵天井穴也
○關衝在手小指次指之端去爪甲如韭葉液門在手小指
次指間陷中中渚在手小指次指本節後間陷中陽池在手
表腕上陷中外關在腕後二寸陷中別走手心主支溝在腕
後二寸兩骨間陷中會宗在腕後三寸空中一寸三陽絡在
臂上大交脈支溝上一寸四瀆在肘前五寸外廉陷中天井
在肘外大骨後上一寸兩筋間陷中屈肘得之甄權云曲肘
後一寸又手按膝頭取之兩筋骨罅
循臑外上肩交出足少陽之後入缺盆交臆中散絡心包下膈
偏屬三焦

肩肘之間臑下對腋處為臑從天井上行循臂臑之外歷清

冷淵消灤行手太陽之裏陽明之外上肩循臑會肩髃天髃
交出足少陽之後過秉風肩井下入缺盆復由足陽明之外
而交會於臑中散布絡繞於心包乃下膈當胃上口以屬上
焦於中腕以屬中焦於陰交以屬下焦也○清泠淵在肘上
二寸伸肘舉臂取之消灤在肩下臂外間腋斜肘分下行臑
會在肩前廉去肩頭三寸肩髃在肩端臑上舉臂取之天髃
在肩缺盆中上髂骨之際陷中垂手太陽經手足少陽
手太陽陽明之會肩井見足少陽經手足少陽陽維之會缺
盆足陽明經穴臑中見任脉心包相火用事之分也中腕陰
交見任脉三焦之募任脉氣所發也
其支者從臑中上出缺盆上項挾耳後直上出耳上角以屈下
頰至頤


腦戶後爲項目下爲頤其支者從臑中而上出缺盆之外上
項過大椎循天牖上挾耳後經翳風瘖脉顙息直上出耳上
角至角孫過懸釐頤厭及過陽白睛明屈曲下頰至頤會顙
膠之分也○大椎見督脉手足三陽督脉之會天牖在頸大
筋外缺盆上天窓後天窓後資生經作天窓後天柱前完骨下髮際上懸
釐頤厭見足少陽經手足陽明少陽之交會也翳風在耳後
尖角陷中按之引耳中痛瘖脉在耳本後雞足青脉中顙息
在耳後青脉中角孫在耳郭中間上開口有空陽白見足少
陽經手足陽明少陽之會睛明見足太陽經顙膠見手太陽
經手少陽太陽之會也
其支者從耳後入耳中却出至目銳眦

此支從耳後翳風穴入耳中過聽宮歷耳門和髃却出至目

銳眚會瞳子膠循絲竹空而交於足少陽也。○聽宮見手太陽經手足少陽手太陽三脉之會耳門在耳前起肉當耳缺中和膠在耳前兌髮下橫動脉瞳子膠見足少陽經手太陽手足少陽之會絲竹空在眉後陷中

是動則病耳聾渾渾焯焯嗌腫喉痺是主氣所生病者汗出目銳眚眚痛頰痛耳後肩臑肘臂外皆痛小指次指不用盛者人迎大一倍於寸口虛者人迎反小於寸口也

足少陽膽經之圖



足少陽膽經之圖

足少陽膽經穴歌

少陽足經瞳子膠四十三穴行迢迢聽會客主領厭集懸顱
懸釐曲髻翹率谷天冲浮白次竅陰完骨本神企陽白臨泣
開目恣正營承靈及腦空風池肩井淵液長輒筋日月京門
當帶脉五樞維道續居膠環跳下中瀆陽關陽陵復陽交外
丘光明陽輔高懸鍾丘墟足臨泣地五俠谿竅陰畢

此經頭部自瞳子膠至風池凡二十穴作三折向外而行
始瞳子膠至完骨是一折又自完骨外折上至陽白會睛
明是一折又自睛明上行循臨泣風池是一折緣其穴曲
折外多難為科牽故此作一至二十次第以該之一瞳子
膠二聽會三客主人四領厭五懸顱六懸釐七曲髻八率
谷九天冲十浮白十一竅陰十二完骨十三本神十四陽

白十五臨泣十六目窓十七正營十八承靈十九腦空二
十風池

足少陽膽之經

凡四十二穴左右共八十
六穴○是經多氣少血

膽在肝之短葉間重三兩三銖包精汁三合

足少陽之脉起於目銳眥上抵角下耳後

足少陽經起目銳眥之瞳子膠於是循聽宮會客主人上抵
頭角循額厭下懸顱懸釐由懸釐外循耳上髮際至曲髻率
谷由率谷外折下耳後循天衝浮白竅陰完骨又自完骨外
折上過角孫循本神過曲差下至陽白會睛明復從睛明上
行循臨泣目窓正營承靈腦空風池云○瞳子膠在目外眥
五分聽會在耳前陷中上關下一寸動脉宛宛張口得之客
主人在耳前起骨上廉開口有空動脉宛宛中領厭在曲周

下顛顛一名空上廉懸顛在曲周上顛顛中懸釐在曲周上顛顛下廉曲髻在耳上髮際曲隅陷中鼓頷有孔率谷在耳上如前三分入髮際一寸五分陷者宛宛中天衝在耳後髮際二寸耳上如前三分浮白在耳後入髮際一寸竅陰在完骨上枕骨下搖動有空完骨在耳後入髮際四分角孫見手小陽經手足少陽之會本神在曲差旁一寸五分入髮際四分曲差見足太陽經陽白在眉上一寸直瞳子睛明見足太陽經手足太陽少陽足陽明五脉之會臨泣在目上直入髮際五分陷中目窓在臨泣後一寸正營在目窓後一寸承靈在正營後一寸五分腦空在承靈後一寸五分挾玉枕骨下陷中風池在顛顛後髮際陷中循頸行手少陽之前至肩上却交出少陽之後入缺盆

自風池循頸過天牖穴行手少陽脉之前下至肩上循肩井却左右相交出手少陽之後過大椎大杼乘風當乘風前入缺盆之外○天牖見手少陽經肩井在肩上陷中缺盆上大骨前一寸半以二指按取之當中指下陷中者是大椎見督脉手足三陽督脉之會大杼見足太陽經足太陽少陽之會乘風見手太陽經手太陽陽明手足少陽之會缺盆見足陽明經

其支者從耳後入耳中出走耳前至目銳眥後

其支者從耳後顛顛間過翳風之分入耳中過聽宮出走耳前復自聽會至目銳眥瞳子膠之分也○翳風見手少陽經手足少陽之會聽宮見手太陽經手足少陽太陽三脉之會聽會瞳子膠見前

其支者別目銳眚下大迎合手少陽於頰下加頰車下頸合缺
盆下胸中貫膈絡肝屬膽

其支者別自目外瞳子膠而下大迎合手少陽於頰當顙膠
穴之分下臨頰車下頸循本經之前與前之入缺盆者相合
下胸中天池之外貫膈即期門之所絡肝下至日月之分屬
於膽也○大迎見足陽明經顙膠頰車手太陽穴天池手心
主穴手厥陰足少陽之會期門足厥陰穴日月見下文膽之
募也

循脇裏出氣衝繞毛際橫入髀厭中

脇胠也腋之下為脇曲骨之分為毛際毛際兩旁動脈中為氣
衝健骨之下為髀厭即髀樞也自屬膽處循脇內章門之裏
出氣衝繞毛際遂橫入髀厭中之環跳也○章門足厥陰穴

足少陽厥陰之會氣衝足陽明穴環跳在髀樞中

其直者從缺盆下腋循胸過季脇下合髀厭中以下循髀陽出
膝外廉

脇骨之下為季脇此直者從缺盆直下腋循胸歷淵腋輒筋
日月穴過季腋循京門帶脈五樞維道居膠入上膠中膠長
強而下與前之入髀厭者相合乃下循髀外行太陽陽明之
間歷中瀆陽關出膝外廉抵陽陵泉也○淵腋在腋下三寸
宛宛中舉臂取之輒筋在腋下三寸復前行一寸着脇陷中
日月在期門下五分京門在監骨下腰中挾脊季筋本帶脈
在季肋下一寸八分五樞在帶脈下三寸維道在章門下五
寸三分居膠在章門下八寸三分監骨上陷中上膠中膠並
見足太陽經上膠為足少陽太陽之絡中膠則足少陰少陽

所結之會也長強見督脉足少陰少陽所結之會中瀆在髀
骨外膝上五寸分肉間陷中陽關在陽陵泉上三寸擯鼻外
陷中陽陵泉在膝下一寸外廉陷中

下外輔骨之前直下抵絕骨之端下出外踝之前循足跗上入
小指次指之間


筋外爲輔骨外踝以上爲絕骨足而爲跗自陽陵泉下外輔
骨前歷陽交外丘光明直下抵絕骨之端循陽輔懸鍾而下
出外踝之前至丘墟循足面之臨泣地五會俠谿乃上入小
指次指之間至竅陰而終也○陽交在足外踝上七寸斜屬
二陽分肉之間外丘在足外踝上七寸光明在足外踝上五
寸陽輔在足外踝上四寸輔骨前絕骨端如前三分去丘墟
七寸懸鍾在足外踝上三寸動脉中丘墟在足外踝下如前

去臨泣三寸臨泣在足小指次指本節後間陷中去俠谿一
寸半地五會在足小指次指本節後陷中俠谿在足小指次
指岐骨間本節前陷中竅陰在足小指次指端去爪甲如韭
葉

其支者別跗上入大指循岐骨內出其端還貫入爪甲出三毛
足大指本節後爲岐骨大指爪甲後爲三毛其支者自足跗
上臨泣穴別行入大指循岐骨內出大指端還貫入爪甲出
三毛交於足厥陰也

是動則病口苦善太息心脇痛不能轉側甚則面微塵體
無膏澤足外反熱是爲陽厥是主骨所生病者頭角頷痛
目銳眦痛缺盆中腫夜腋瘰癧馬刀挾癭汗出振寒瘧胸
脇肋髀膝外至脛絕骨外踝前及諸節皆痛小指次指不

足厥陰肝經之圖



用盛者人迎大一倍於寸口虛者人迎反小於寸口也

足厥陰肝經穴歌

足厥陰十三穴起太敦行間接太冲中封注蠡澣中都膝關
曲泉收陰包走五里陰廉章門期門啟

足厥陰肝之經凡十二穴左右共二十四穴是經多血少氣

肝之為藏左三葉右四葉凡七葉其治在左其藏在右脇右
腎之前並胃着脊之第九椎

足厥陰之脉起於大指聚毛之上循足跗上廉去內踝一寸

足大指爪甲後為三毛三毛後橫文為聚毛去相去也足厥
陰起於大指聚毛之大敦穴循足跗上廉歷行間太衝抵內
踝一寸之中封也○大敦在足大指端去爪甲如韭葉及三
毛中行間在足大指間動脉應手太衝在足大指本節後二
寸或云一寸半動脉陷中中封在足內踝前一寸陷中而

取之

上踝八寸交出太陰之後上膈內廉

自中封上踝過三陰交歷蠡澣中都復上一寸交出太陰之
後上膈內廉至膝關曲泉○三陰交見足太陰經足少陰太
陰厥陰之交會也蠡溝在內踝上五寸中都在內踝上七寸
髓骨中膝關在犢鼻下二寸陷中曲泉在膝內輔骨下大筋
上小筋下陷中屈膝得之在膝橫文頭是

循股入陰中環陰器抵小腹挾胃屬肝絡膽

脾內為股臍下為小腹由曲泉上行循股內之陰包五里陰
廉遂當衝門府舍之分入陰毛中左右相交環遠陰器抵小
腹而上會曲骨中極關元復循章門至期門之所挾胃屬肝
下日月之分絡於膽也○陰包在膝上四寸股內廉兩筋間

五里在氣衝下三寸陰股中動脈陰廉在羊矢下去氣衝二寸動脈中衝門府舍見足太陰曲骨見任脈足厥陰任脈之會中極關元見任脈足三陰任脈之會也章門在大橫外直臍季肋端側坐屈上足伸下足舉臂取之期門直兩乳第二肋端肝之募也日月見足少陽經上貫膈布脇肋循喉嚨之後上入頰頰連目絲上出額與督脈會於巔

目內連深處爲目絲頰頰咽頰也自期門上貫膈行食竇之外大包之裏散布脇肋上雲門淵液之間人迎之外循喉嚨之後上入頰頰行大迎地倉四白陽白之外連目絲上出額行臨泣之裏與督脈相會於巔頂之百會也○食竇大包足太陰經穴雲門手太陰經穴淵液足少陽經穴人迎大迎地

倉四白見足陽明陽白臨泣見足少陽百會見督脈

其支者從目絲下頰裏環唇內

前此連目絲上出額此支從目絲下行任脈之外本經之裏下頰裏交環於口唇之內

其支者從腹肝別貫膈上注肺

此交經之支從期門屬肝處別貫膈行食竇之外本經之裏上注肺中下行至中焦挾中脘之分以交於手太陰也

是動則病腰痛不可以俛仰丈夫癩疝婦人小腹腫甚則噎乾面塵脫色是主肝所生病者胸滿嘔逆洞洩狐疝遺溺癰閉盛者寸口大一倍於人迎虛者寸口反小於人迎也○凡此十二經之病盛則瀉之虛則補之熱則疾之寒則留之陷下則灸之不盛不虛以經取之

督脉經穴歌

督脉背中行二十七穴始長强腰俞陽關命門當懸樞脊中走筋縮至陽靈臺神道長身柱陶道大椎俞瘕門府連腦戶强間後頂百會前前頂顙會上星圓神庭素膠水溝裏兌端巖交斯已矣

督脉 凡二十七穴

督之為言都也行背部之中行為陽脉之都綱奇經八脉之一也

督脉者起於下極之膂


下極之膂兩陰之間屏翳處也屏翳兩筋間為篡篡內深處為下極督脉之所始也

並於脊裏上至風府入腦上巔循額至鼻柱屬陽脉之海也

脊之為骨凡二十一椎通項骨三椎共二十四椎自屏翳而起歷長强穴並脊裏而上行循腰膂陽關命門懸樞脊中肋縮至陽靈臺神道身柱過風門循陶道大椎瘕門至風府入腦循腦戶强間後頂上巔至百會前頂顙會上星神庭循額至鼻柱經素膠水溝兌端至巖交而終焉云陽脉之海者以人之脉絡周流於諸陽之分譬猶水也而督脉則為之都綱故曰陽脉之海○屏翳見任脉任脉別絡挾督脉衝脉之會長强在脊骶端腰俞在第二十一椎節下間陽關在第十六椎節下間命門在第十四椎節下間懸樞在第十三椎節下間脊中在第十一椎節下間筋縮在第九椎節下間至陽在第七椎節下間靈臺在第六椎節下間神道在第五椎節下間身柱在第三椎節下間風門見足太陽乃督脉足太陽之

會陶道在大椎節下間陷中自陽關至此諸穴並俛而取之
 大椎在第一椎上陷中瘧門在風府後入髮際五分風府在
 項入髮際一寸腦戶在枕骨上強間後一寸五分強間在後
 頂後一寸五分後頂在百會後一寸五分百會名三會三在前
 頂後一寸五分頂中央旋毛中直兩耳尖可容豆前頂在顛
 會後一寸五分陷中顛會在上星後一寸陷中上星在神庭
 後入髮際一寸陷中容豆神庭直鼻上入髮際五分素膠在
 鼻柱上端水溝在鼻柱下人中兌端在唇上端斷交在唇內
 斷上斷縫中

任脈經穴圖



任脈經穴圖
 紫宮
 廉泉
 璇璣
 天突
 承漿
 中庭
 巨關
 玉堂
 上腕
 鳩尾
 建里
 中腕
 中脘
 神關
 右門
 水溝
 陰交
 氣海
 關元
 曲骨
 中極
 會陰

任穴經穴歌

任脉分三八起於會陰上曲骨中極關元到石門氣海陰交
神闕立水分下脘循建里中脘上脘巨闕起鳩尾中庭膻中
萃玉堂紫宮樹華蓋璇璣天突廉泉清上頤還以承漿承

任脉凡二十四穴

任之為言妊也行腹部中行為夫人生養之本奇經之一脉也

任脉者起於中極之下以上毛髮循腹裏上關元至喉嚨屬陰脉之海也

任與督一源而二岐督則由會陰而行背任則由會陰而行腹夫人身之有任督猶天地之有子午也人身之任督以腹背言天地之子午以南北言可以分可以合者也分之於以

見陰陽之不雜合之於以曰渾淪之無間一而二二而一者也任脉起於中極之下會陰之分也由是循曲骨上毛際至中極行腹裏上循關元石門氣海陰交神闕水分下脘建里中脘上脘巨闕鳩尾中庭膻中玉堂紫宮華蓋璇璣天突廉泉上頤循承漿環唇上至斷交分行繫兩目下之中央會承泣而終也云陰脉之海者亦以人之脉絡周流於諸陰之分譬猶水也而任脉則為之總任焉故曰陰脉之海○會陰一名屏翳在兩陰間曲骨在橫骨上毛際陷中動脉應手中極在關元下一寸關元在臍下三寸石門在臍下二寸氣海在臍下一寸五分陰交在臍下一寸神闕當臍中水分在下脘下一寸上臍一寸下脘在建里下一寸建里在中脘下一寸中脘在上脘下一寸靈樞經云髑髀骨也以下至天樞天樞足陽

明經穴挾臍二寸長八寸而中脘居中是也然人胃有大小蓋與臍平直也亦不可拘以身寸但自髑髑至臍中以八寸為度各依部分取之上腕在巨闕下一寸當一寸五分去蔽骨三寸巨闕在鳩尾下一寸鳩尾在蔽骨之端言其骨垂下如鳩形故以為名臆前蔽骨下五分也人無蔽骨者從岐骨際下行一寸中庭在臆中下一寸六分臆中在玉堂下一寸六分兩乳間玉堂在紫宮下一寸六分紫宮在華蓋下一寸六分華蓋在璇璣下二寸資生經云一十璇璣在天突下一寸陷中天突在頰結喉下一寸宛宛中廉泉在頸下結喉上舌本陰維任脉之會仰而取之承漿在唇下陷中任脉足陽明之會斷交見督脉督任二脉之會承泣見足陽明躄脉任脉足陽明之會也○按任督二脉之直行者為腹背中行諸穴所系今特取之以附

十二經之後如骨空論所載者茲不與焉其餘如衝帶維躄所經之穴實則寄會於諸經之間爾誠難與任督二脉之灼然行腹背者比故此得以略之雖然因略以致詳亦不害於兼取也故其入脉全篇仍別出於左方云
右十四經正文並與金蘭循經同

十四經發揮卷中

薛氏醫按 十四經發揮卷下

奇經八脈篇
奇經蓋以人之氣血常行於十二經脈其諸經滿溢則流入奇經焉奇經有入脈督脈督於後任脈任於前衝脈為諸脈之海陽維則維絡諸陽陰維則維絡諸陰陰陽自相維持則諸經常調維脈之外有帶脈者束之猶帶也至於兩足躄脈有陰有陽陽躄得諸太陽之別陰躄本諸少陰之別譬猶聖人圖設溝渠以備水潦斯無濫溢之患人有奇經亦若是也今總集奇經八脈所發者氣穴處所共成一篇附之發揮之

十四經發揮卷下

薛氏醫按

奇經八脈篇

脈有奇常十二經者常脈也奇經八脈則不拘於常故謂之奇經蓋以人之氣血常行於十二經脈其諸經滿溢則流入奇經焉奇經有入脈督脈督於後任脈任於前衝脈為諸脈之海陽維則維絡諸陽陰維則維絡諸陰陰陽自相維持則諸經常調維脈之外有帶脈者束之猶帶也至於兩足躄脈有陰有陽陽躄得諸太陽之別陰躄本諸少陰之別譬猶聖人圖設溝渠以備水潦斯無濫溢之患人有奇經亦若是也今總集奇經八脈所發者氣穴處所共成一篇附之發揮之

薛氏醫按 十四經發揮卷下 奇經八脈篇

後以備通攷云

督脉

督脉者起於小腹以下骨中央女子入繫廷孔之端其絡循陰器合篡間繞篡後別繞臀至少陰與巨陽中給者合少陰上股內後廉貫脊屬腎與太陽起目內眦上額交巔上入絡腦還出別下項循肩髃內挾脊抵腰中入循脊絡腎其男子循莖下至篡與女子等其小腹直上者貫臍中央上貫心入喉上頤環唇上系兩目之中此生病從小腹上衝心而痛不得前後為衝疝其女子不孕瘕痔遺溺嗌乾治在督脉○督脉之别名曰長强俠脊上項散上頭下當肩胛左右別走太陽入貫脊實則脊强虛則頭重取之所別故難經曰督脉者起於下極之腧並於脊裏上至風府入屬於腦上巔循額至

鼻柱屬陽脉之海也此為病令人脊强反折○督脉從頭循脊骨入骶長四尺五寸凡二十七穴穴見前

按內經督脉所發者二十八穴據法十椎下一穴名中樞陰尾骨兩傍二穴名長强共有二十九穴今多斷交一穴少中樞一穴會陽二穴則係督脉別絡與少陽會故止載二十七穴穴已見前

任脉

任脉者與衝脉皆起於胞中循脊裏為經絡之海其浮而外者循腹上行會於咽喉別而絡唇口血氣盛則肌肉熱血獨盛則滲灌皮膚生毫毛婦人有餘於氣不足於血以其月事數下任衝並傷故也任衝之交脉不營其口唇故髭鬚不生是以任脉為病男子內結七疝女子帶下瘕聚故難經曰任

脉起於中極之下以上毛際循腹裏上關元至咽喉上頤循
面入目屬陰脉之海○凡此任脉之行從胞中上注目長四
尺五寸總二十四穴穴見前

按內經云任脉所發者二十八穴經關一穴實有二十七
穴內斷交一穴屬督脉承泣二穴屬足陽明躄脉故止載
二十四穴穴已見前

陽躄脉

陽躄脉者起於跟中循外踝上行入風池其為病也令人陰
緩而陽急兩足躄脉本太陽之別合於太陽其氣上行氣并
相還則為濡目氣不營則目不合男子數其陽女子數其陰
當數者為經不當數者為絡也躄脉長八尺所發之穴生於
申脉外踝不屬以輔陽為郄外踝本於僕參跟骨與足少陰

會於居膠章門下又與手陽明會於肩髃及巨骨並在肩端又與手
足太陽陽維會于臑俞在肩前後與手足陽明會于地倉吻
兩又與手足陽明會于巨膠鼻兩又與任脉足陽明會於承
泣目下以上為陽躄脉之所發凡二十穴陽躄脉病者宜刺
之

陰躄脉

陰躄脉者亦起於跟中循內踝上行至咽喉交貫衝脉此為
病者令人陽緩而陰急故曰躄脉者少陰之別別於然谷之
後上內踝之上直上循陰股入陰上循胸裏入缺盆上出人
迎之前入鼻屬目內眥合於太陽女子以之為經男子以之
為絡兩足躄脉長八尺而陰躄之郄在交信內踝上陰躄脉
病者取此

衝脉

衝脉者與任脉皆起於胞中上循脊裏為經絡之海其浮於外者循腹上行會於咽喉別而絡唇口故曰衝脉者起於氣衝並足少陰之經俠臍上行至胸中而散此為病令人逆氣裏急難經則曰並足陽明之經以穴攷之足陽明俠臍左右各二寸而上行足少陰俠臍左右各五分而上行鍼經所載衝脉與督脉同起於會陰其在腹也行乎幽門通谷陰都石關商曲盲俞中注四滿氣穴大赫橫骨凡二十二穴皆足少陰之分也然則衝脉並足少陰之經明矣

陽維脉

陽維維於陽其脉起於諸陽之會與陰維皆維絡于身若陽不能維於陽則溶溶不能自收持其脉氣所發別于金門足

外踝下太以陽交為郄在外踝上七寸與手足太陽及蹻脉會于膝

俞上廉與手足少陽會于天髎在缺盆上又會于肩井上其在

頭也與足少陽會于陽白在肩上上于本神及臨泣上至正營循于腦空下至風池其與督脉會則在風府及瘕門難經云陽維為病苦寒熱 此陽維脉氣所發凡二十四穴

陰維脉

陰維維於陰其脉起於諸陰之交若陰不能維於陰則悵然失志其脉氣所發者陰維之郄名曰築賓見足少陰與足太陰會于腹哀大橫又與足太陰厥陰會于府舍期門與任脉會于天突廉泉難經云陰維為病苦心痛 此陰維脉氣所發凡十二穴

帶脉

帶脉

帶脉

帶脉

帶脉

帶脉者起於季脇回身一周其為病也腰腹縱容如囊水之
狀其脉氣所發在季脇下一寸八分正名帶脉以其回身一
周如帶也又與足少陽會于維道 此帶脉所發凡四穴
以上雜取素問難經甲乙經聖濟總錄中叅合為篇

養壽局
御備